

CHANSON NEVEZ

COMPOSET VOAR SUJET AR HAFFÉ

Var un ton ancien

Tostait oll tud yoanc da gleyet eur chanson
 Zo compostet er blama gant sujet a reson
 An everezel Cafe trac an eferriën guin
 O deus gret quemen ma da laqat da horzin.

Ar guin zo ehr liqueur zo formet gant Doue
 Hac voa bet transplantet gant hon tad coz Noe
 Non pas vel ar hafe zo un dro invantet
 Gant eur vreg malicius eur ar vro an turquet.

Quenta ma teuas biscoas dar vroma ar hafe
 Ne voa nemet an noblans guement a eve
 Ha bréma an oll gomun a ya tout da eva
 An darn voya anezo no deus quet a vara.

Brema me a ziselerio ebarz en abreje
 Ar chanson ma compostet var sujet ar hafe
 Etre daou den demezet nem reprochhai
 Unan balamour dar guin hac un al dar hafe.

Ebars er blaves mil eiz cant pemzec a pevar
 E savas fachiri goudai gouel a oll zent [uguen
 Ar vreg a yeas en quer gant eur boezellat ed
 Hac a foetas e arhant gant e homerezet.

Pa antreas er hafe e deus bet lavaret
 Me gret evit on arhant e vezimp servichet
 Digassit Demp ni cafe hac ive odevi
 Hac eur voutaillad liqueur vil nem regali.

Ar liqueur an odeur a savas en o fenn
 Ma comansjont da zanaal o feder diarhen
 Plah an hed a lavaras ma arhant zo foett
 Me a efe eur bane rac hoas em eus schet.

An teir all lavaras neuzaï abouez o fen
 Ret eo golet ma homier peguemment ar scoden
 An hostises pa glévas dan eh zo pignet
 Pa vee arangjet ar gont e chome hoas our scoet

An hostises a laras me meus roet da eva
 Ac abars ma sortifol hui ranco va fea
 Rae-se en ent arangjet da bea o scoden
 Evidon me a bromet ne po quet a dermen.

Ar merhet en em selle hac o devoa poan ben
 Rac no devoa queta arhant da bea o scoden
 Jacqueta a laras me rey ma devancher
 Ha le ma homier Jannet a rey da vouchouer.

Unan demeus an ezah en deveus bet cavet
 He devoa foetet e vreg ar som a bevar scoet
 Quittat a ras e labour evit donet en quer
 Ebarz e ty ar hafé o havas o feder.

Hac evel ma hantreas en deveus lavaret
 Ha ne heus tai qet a vez lavar greg debordet
 Lezel eur buguel bian deomp ni da rushuellas
 An deirvet nos eo onman nem eus coussqet berat

Aze ama em hichen ha ro peoh emezi
 Quemer un tassat cafe da dremen da anui
 Tao din gant da zour bervet avoall e heus evet
 Qenta bane a evi me gare vez crevet.

Evidont-te sah ar guin te vepris ar hafe
 Ebarz en hostaliri e vez cavit noz de
 An arhant ahoneas etro pad ar zun
 Ne neuz quel re ane da gavet guin a butun

Janicotem emezan brema ni ray ar bal
 Goudai foetta ma danvez donet dam haquetal
 Dre brontitud eur vasat a roas dar vreg ques
 Ma tiscaras d'an doar cafe dien a les.

Ar merhet a laras o feder assembles
 Maquet oh eus ma mignon vont da squei o moes
 Squilliet oh eus ar hafe hui a reng bea
 Pe brema souden vatan ni ya do tisleva.

Ar peder blab animet a saillas varnezan
 Hac an hostises ive evit e zivleva
 Treinet voe dre an ti e zillat voe roquet
 Hac e vreh betec e scoa gant ar hafe grillet.

Evel ma halas achap e commans redet
 En eur sellet var e lerh evel eur has fouet
 Darbet ai din emezan cazi col ma hue
 Me garfe e ve beuzet ar merhet er hafe

Etrezoh goaset yaonc dioualit o crague
 Pa sint da verza aman na safen dar hafe
 Ar hafe zo debohus dre ma za mad a deus
 Hac a ro tentasion dan ol merhet lipous.

Dre ze oh avertissan ezah eus ar hontre
 Ni qet de glasq ho crague ispcal dar hafe
 Mar ho peus guers boutaillad barz ho codel
 Querzit dan hotaliri da velet yan vourdel.

Pa ven en hostaliri gant ma hamaradet
 Eur podat guin en hichen ve contant va speret
 Arça eta mignonnet evomp peb a vanai
 Ha canomp oll eur chanson var sujet ar hafe

Ar hafe ar ra domach ebarz en peb canton
 A ma dè qer an aman ne dè qet beb rezon
 An dien a ya ema peb guella eus ar les
 Ha ni entrezomp goaset a sebr or bara seh.

Ni peurvuya canerien a vepris ar hafe
 Ze zo eos ma reprenomp a merhet a graque
 Ar guin par er hemerer gant modération
 A ro courach deur haner da gana eur chanson.

Poent e cavan finissan amplie em eus comset
 Efit ar seurt a guerfet me ne sourcian qet
 Efit guin esit cafe liqueur pe odevi
 Mes dioualit absolu da gavet fachiri.